

Alerta

Violensía Seksual iha Fatin Publiku Sira iha Dili

29 Julu 2014

Insidenti violensía seksual¹ kontinua sai preokupasaun komunidadade iha Timor-Leste. Durante tinan ida liu ba, Belun liuhusi sistema monitorizasaun konflitu Atensaun no Responde Sedu (AtReS),² monitorizasaun media, no fonte sira seluk relata insidenti lubuk ida kona-ba violensía seksual. Insidenti sira ne'e bele akontese iha nasaun laran tomak no iha impaktu forte tebes ba ben estar sosial vitima sira, familia, nomós komunidadade.

Ho hanoin katak violensía seksual hanesan kazu ne'ebé sensitivu no dala barak la relata iha kategoria insidenti, ho spontan de'it no difisil tebes atu kapta ka hatene numeru lo'los husi mudansa husi insidenti sira ne'e. Maske nune'e, Belun nota katak monitorizasaun iha tinan ida liu ba rejista kazu balun violensía seksual iha area tasi ibun nomós fatin sira nakukun besik estrada iha Dili laran. Partikularmente, insidenti lubuk ida mak rejista akontese iha fatin publiku hanesan estrada boot iha Pantai Kelapa (husi Embaixada EUA to'o torre ka lighthouse), Bairro Formosa, Pertamina, Bebonuk, Tasi Tolu, Metiaut, Cristo Rei. Nom'os fatin seluk ne'ebé labele detekta. Maioria husi insidenti rejista liuhusi AtReS envolve perpetador ne'ebé deskoñesidu.

Ho rekomendasaun sira tuir mai, Belun hein katak, esforsu ne'ebé kordenada sei hala'o hodi responde ba atitude no hahalok problematiku ne'ebé lori ba insidenti violensía seksual iha ita nia komunidadade. Belun husu ba Polísia, governu nomós lideransa komunitaria atu serbisu hamutuk hodi kria sosiedade ne'ebé ema hotu, inklui feto sira bele hetan respeita no sente seguru, dignu tantu iha fatin publiku no fatin privadu sira iha Timor-Leste.

¹ Iha alerta ne'e, violensia seksual deskreve hanesan asaun fiziku ka verbal ho karakter seksual ne'ebé la nesesito no la apresia. Ida ne'e inklui asaun sira ho karakter seksual hanesan perfoma seksual ne'ebé la apresia no la konfortavel, komentariu, ameasa ka sujestaun, no asaltu seksual fiziku hanesan violasaun seksual no rasta ho intensaun seksual. Definisauun ne'e adopta husi manual kona-ba violensia seksual husi Organizasaun Saude Mundial (WHO). http://www.who.int/violence_injury_prevention/violence/global_campaign/en/chap6.pdf.

² Bainformasaun liu tan kona ba EWER, hare'e <http://belun.tl/en/early-warning-and-early-response-ewer/>

REKOMENSADAUN

Polísia Nasionál Timor-Leste (PNTL)

- Ba Instituisaun PNTL liu husi Unidade Pessoal Vulneravel (VPU), oferese treinamentu ba membru PNTL hotu, hodi asegura katak, kazu violénsia seksual bele rekoñese hanesan asaun kriminal ho responde didi'ak bazeia ba lei, nomós harii sensitividade no Polísiamentu responsivu ba kazu sira ne'e.
- Ba Instituisaun PNTL, estabeselese postu Polísia ba fatin potensia risku mosu violénsia seksual, no halo regular patrulamentu husi Polísia ba iha fatin publiku sira ne'ebé identifika hanesan area vulneravel ba insidenti violénsia seksual hodi nune'e bele haforsa vizibilidade no asesibilidade Polísia nomós prevensaun no responde ne'ebé di'ak liu ba insidenti violénsia seksual.
- Ba Instituisaun PNTL, oferese ba publiku, inklui vitima violénsia seksual, ho liña asesivel ne'ebé lalais ba Polísia liuhusi liña emergjensia PNTL (#112), hodi asegura katak, kazu sira hetan atendimentu bebeik, nomós halo resposta ne'ebé lalais.

Sekretaria Estadu Promosaun Igualdade (SEPI)

- Kolabora ho grupu sosiedade sivil (hanesan Lideransa komidade, no organisasaun sira FOKUPERS, ALfeLa, Fundasaun Alola, JSPM, UN Women, Pradet, Rede Feto) hodi hala'o sensibilizasaun publiku kona-ba asuntu violénsia seksual liuhusi koordinasaun ba kampaña advokasia publiku iha distritu hotu, hodi halo mudansa ba atitude no normas problematiku sira hasoru fetu ne'ebé rezulta hahalok violénsia seksual.

Ba informasaun detallu, pergunta, ka klarifikasaun, favor kontaktu :

- Sra. Marilia (Bylah) da Costa, bylah.belun@gmail.com (7727 6671)
- Sr. Celestino Ximenes, celestino.belun@gmail.com (7788 3887)

Ba informasaun liután konaba insidentis ne'ebé relatadu liuhosi AtRes, bele hetan asesu iha:
www.belun.crowdmap.com no website Belun nian www.belun.tl.



USAID
HUSI POVO AMERICANO